



## Universitätsbibliothek Paderborn

### Praxis Episcopalis

In Qva Episcoporum Non Tantvm, Eorumqve Vicariorum munus; sed  
Parochorum etiam & conscientiarum directorium concernentium casuum  
ac dubiorum indies occurrentium Resolvtiones ... quàm brevissimè  
continentur

**Zerola, Tommaso**

**Coloniae Agrippinae, 1680**

Raptus.

**urn:nbn:de:hbz:466:1-10447**

do fit in manu Abbatis, vel recipientis de ejus mandato, per notata in *ca. porrectum, de reg. quod nota, & ibi gl. in ver. expresse*, facit aperitissime in omnibus dictis *supra c. quam ingredientibus, 19. q. 3. & ibi gl. in ver. convertendi*, facit *l. aut religiosus, ff. de procur. & ibi Accur.* ubi exponit, ut si monachus fiat sacerdos, & *Gem. in c. quamvis, ver. contra gl.* dicit procuratorem ingressum religiosè posse revocari, si non ingreditur irrevocabiliter.

Tertio, quisnam dicitur religiosus, & consequenter verè professus per Conc. Trid. nisi post annum probationis sine interruptione in monasterio exactum, & post emissa tria substantialia; *Nav. conf. 9.*

Quarto, si quis emisit tria essentialia, videlicet castitatis, paupertatis, & obedientiæ in congregatione, etiam à sede Apostolica approbata pro bono modo vivendi, nisi emisit in aliqua religione approbata non censetur professus, *c. odia, de reg. jur. l. 6. Nav. conf. 9, ca. 9, de his qua vi metusque causant.* ratio est, quia appellatione congregationis non venit religio, nec e contra, nisi sit aliqua congregatio, quæ ortum ducit à religione, prout congregatio Cassinensis, & aliæ quæ duodecim solent nominari.

Quinto, professio facta in manibus Prælati, sive cujuscumque incorporare non valentis alicui religioni approbatæ, non facit quem religiosum. *Navar. conf. 6. n. 22. de reg.* hinc fit, quod si aliquando aliquis vellet emittere tria vota in manibus Episcopi, & professionè

solemnem in ejusdem manibus facere non ideo censetur religiosus, nec professio solemnis, nec votum solenne, sed tantummodo votum simplex; ratio est, quia Episcopus non incorporat religioni, *cap. odia, de reg. jur. lib. 6. & ca. unico, de vot. & vot. redempt. eod. lib.*

### PROTOCOLLUM.

**P**rotocollum amittens Notarius, potest puniri à iudice pœna arbitraria, quia de consuetudine tenetur ad ejus custodiam, *Fel. in cap. tabellio, ver. 2, quaritur, n. 2, de fid. instrument.*

### PROVISUS.

**P**rovisus de Episcopatu, Abbatia, vel hæres, an possit conferre, vel præsentare antequam adipiscantur possessionem, vel adeant hæreditatem? Respondetur, quod sic. *Reb. tit. de simon. & resign. n. 25, & infra*, tamen distingue, prout ibi, si provisus est per obitum, vel privationem, vel resignationem.

### RAPTUS.

**P**rimò, licet raptus non possit fieri absque violentia, tamen si fiat muneribus, promissionibus factis puellæ, & invito patre de domo exeat, & ad ipsum veniat, vocatur raptus, & incurruntur pœnæ Sacri Conc. Trid. *sess. 24. cap. 6, de refor. matrimon.* quæ sunt excommunicatio ipso jure, tam rapiens, quam dans consilium, auxilium, & favorem, & infamia: ratio est quia

trahitur homo etiam amore, & provocatorio sive excitatorio aliquo, ut inquit D. Aug. *tratt. in ca. 6. in lo. ita tenet Nav. conf. 1. de raptor. & à simili in Manual. cap. 16. num. 17. & Foller. in pract. crim. prima parte, tertie par. nu. 16* similiter si interveniunt blanda verba, oblectamenta, & promissiones doloſæ, & punitur poena mortis.

Secundò, pro intelligentia dicti loci Sac. Concilii dicitur: raptorem illum esse, qui metu, minis, & violentia rapit mulierem aliquam ipsa invita: secundò qui rapit eam, sed ea consentiente, si cum contradictione patris, D. Th. 2. 2. qu. 154. art. 7. 3. qui promissionibus falli, verbis blandis, munusculis; quartò, non autem ille, ad quem sua spontè aliqua vadit, etiamsi vir eam defloret voluntariè, Nav. *conf. 1. nu. 1. de raptor. conf. 2. & 3. num. 1. & in Manual. loc. cit.* & sic in primo, secundo, & tertio casu incidunt poenæ, vide Afflict. *in constit. si quis rapere, in ver. sed quero, n. 4. de raptientibus meretrices, vide in const. omnes nostri, vide Dynum in regula scienti, ac consentienti, num. 4. & ibi addit. Boërii, litera B. vide Azon. in Sum. lib. 9. eod. rub. 13. num. 1.*

#### RECONVENTIO.

**P**rimò, reconveniri an possit clericus coram iudice laico? Respondetur, quòd non, Cap. Tolos. *quest. 95. Inn. in cap. solite, de major. & obe. tamen Fel. in ca. 2. de for. compet. & in ca. & si clerici, col. 6. ver. gl. in verbo, dicit quòd sic, nisi laicus hoc fecerit in fraudem, ut*

quia fecit se convenire, & hoc etiam tenet Maran. 4. par. *dist. 6. num. 53.* quòd tamen fallit in tribus casibus, prout ibi, & reconventio non potest fieri coram iudice appellationis, Cap. Tolos. *quest. 93. & Innoc. ab eo citatus in cap. 1. de num. pecun.*

Secundò, in reconventionem, quando procedi debet simultaneo processu, vide & distingue cum gl. *in cap. dispendia, in ver. vel reconventionis, de rescrip. lib. 6. & gl. in Clem. sapè §. verum, in ver. exordio, de verb. sig. Maran. loc. cit. num. 5. & ibi Foller. num. 6.*

#### RECUSATIO.

**P**rimò, quot modis possit iudex delegatus recusari, vide Host. *in Sum. tit. de recusat. Iud. deleg. §. qua. num. 3.* ubi numerat tredecim causas, & Maran. 6. par. *titul. de appella. à num. 24. & infra, ibi enumerat quadraginta.*

Secundò, quando potest fieri recusatio? Respondetur infra viginti dies, vel ante litis contestationem, vel semper nova superveniente causa, & ista debet esse prima exceptio, Host. *ubi supra. §. quando, Maran. ibidem, num. 74. capitulo pia, de excess. lib. 6.*

Tertiò, recusatio, & suspicio potest opponi etiam post conclusum in causa, ante calculum sententiæ, cum in illo consistat tota vis totius causæ, Gem. *in ca. Iudex, ver. sed an semper, de offi. deleg. lib. 6. licet distinguat, quòd videas.*

Quartò, causa recusationis, & suspensionis, potest esse etiam, si iudex procuravit sibi causam committi, Gl. *in ca. si com.*